

中華郵政特准掛號認爲新聞紙類 每月三期逢一日出版

民生叻報

中華民國十一年九月一日

第四十二期

▲本社徵文廣告

海內名家如有鴻著偉論發揮國計民生道德實業者無論著論譯論本社均極歡迎一經登載必有相當之報酬惟原稿概不退還乞注意

▲本社啓事一

本報除指定各機關外如承各界購閱者祈先將報費郵寄或專訂以便按期寄送

▲本社啓事二

本報每月出版二期如有願登廣告者價極從廉用表歡迎價目表填附册尾

▲本社啓事三

各界諸君有介紹本報告白者本社給予二成酬金但此項告白於交稿時須連同所需刊費交齊方准照登如關於名譽或其他重要事件者須覓保及介紹人完全担保以免糾葛





目錄



●論說

官銀號整頓談

●國內要聞

粵東戰事之滬訊

東報評論中國時局

日人對華仍持不干涉態度

俄代表越飛君來華任務

日本要求我國派兵接防

庚子賠款難望緩付

西報論孫文北上問題

●講壇

梁任公講演教育與政治（續第四十一期）

●談叢

縹湘零語

讀書隨筆（顧文仲）

●雜俎

彭剛直軟事

徐把總

●遊記

遊臥龍橋（胡瑞亭）

●瑣聞

法廳又改訂辦公時間

法政訂期遷移


成績展覽會著手陳列

選舉教育會長之波折
馬總辦徵集整頓意見

Horizontal line at the top of the page.

目

録



四



論說

●官銀號整頓談

夷考錢法之壞其道不一而紙幣充斥現金缺乏實爲一大原因蓋紙幣愈多則價格愈低現金愈少則價格愈高其結果必致良貨幣盡被惡貨幣所驅逐而圖法以壞此經濟學上之大原則也

吉省自永衡官銀號濫發紙幣以來輾轉流移市面已成一紙糊世界庫帑空虛泉幣奇窮致令吉民生計狀態頓形緊迫雖該號歷任長官咸以整頓爲言無如實際上依然大事印刷增發不已此所以愈言整頓而愈形紊亂也然則卽謂吾國圖法之壞由於官銀號歷任長官所階成亦未始不可

茲者馬總辦就任伊始卽以整頓該號爲整頓錢法入手不惜多方徵集意見以收集思廣益之效其卓識偉見當爲吾國人士所樂贊同願空言整頓吾人早已司空見慣

其必循有一定之目標切實進行乃克有濟此一定之目標維何要不外治本治標二策以今日各省官帖情形而論欲求根本救濟恐非旦夕所可達到無已惟有先治其標設能從此不再增發官帖其帖價縱不能增高尙可維持現狀否則欲求如今之位而不可得矣圓法前途將不知壞於胡底又安足言及整頓哉

國內要聞

●粵東戰爭之滬訊

孫中山離粵之後粵中戰事仍在進行昨滬上民黨本部曾接前方報告高雷戰況來函多通茲探錄如下(一)孫大總統鈞鑒我軍於日前在廉江石城與敵軍開火逆將統領鄒武率衆兩營機關槍一連頑強抵抗戰至下午兩點半鐘我軍歐陽漢統領將逆將鄒武生擒經轉解黃總司令發落鄒部逆軍全被我軍擊散計得槍五百三十枝機關槍六架第二軍別動隊第一支隊司令黃德報告(二)是役擒得逆軍鄒武部下營長陳楚英一名搜查有報告鄒逆一稿畧云連日廉江安鋪各機關宣佈總司令(陳逆)罪狀稱兵聲討措詞荒謬現據探報黃部五營於儉日由廉州北海出發並帶大礮十餘尊水旱機關槍二十餘架冬日集中白沙山口實行進攻高雷云云本處民軍俱已被其運動約期響應安鋪人心惶惶商場震動前因花桃生(逆營長)聞風

先逃以致搬遷者頗多不能制止應請鈞座（鄒逆）回防並電請總司令派大兵來廉江安鋪青平等處救援否則我軍困在垓心進退維谷等語（三）黃明堂繳送陳逆炯明致伊印電一紙（自惠州發）略云新克密聞胡毅生到北海煽動獨立望吾兄深明大義不爲所動彼輩多方造謠惟有破除情面將胡等嚴辦炯與吾兄患難至交決非他人所能離間肝胆相照生死以之炯明印

再此次黃明堂部下有一女子歐陽麗文亦獨樹一幟進戰甚勇昨亦有報告致孫中山其文云大總統鈞鑒麗文一柔弱女子耳然少讀春秋頗知大義此次逆賊背叛聞耗之下悲不欲生茲幸黃總司令奉命討賊麗文得因緣時會組織第三獨立軍效力疆場旬日以來仗我大總統神威一戰而下安鋪再戰而下廉江現正秣馬厲兵直出江門與叛將周旋於五羊城下晉謁靡遙容後詳稟肅此謹稟鈞安討賊軍南路獨立第三統領歐陽麗文謹稟

又接到黃明堂討賊佈告並誌於下爲布告事民國成立垂十一年邦家不造軍閥柄政變亂頻仍迄無算歲我大總統慨軍閥之專橫痛國運之日危率北海鑑隊南來組織西南政府矢志護法六年至今幾經波折然我大總統不屈不撓建旗鼓以前驅我

粵民亦能始終奮鬥執干戈以爲後盾羊城一隅之地遂成全國托命之區此固民國無上之幸福亦我粵人無上之光榮也乃者興師北伐出兵江西一戰而破贛南再戰而逐陳光遠方冀會師武漢直搗黃龍乃叛將陰懷異志圖謀不軌竟敢於六月十五日午夜稱兵襲攻帥府敗西南護法垂成之業貽吾粵人莫大之羞逆跡昭影人神共憤猶復縱其逆兵蹂躪我桑梓屠戮我同胞貪念熾則白骨含冤獸慾動則紅顏畢命五羊父老願與偕亡粵民何辜遭此荼毒茲幸天心悔禍正義尙存北伐大軍旋師致討旬日之間已將韶關英德翁源仁化等屬收復藐茲小醜指日可平明堂鋒鏑餘生絕經世變奔走革命二十餘年睹逆賊之暴橫每椎心而泣血徬徨終夜汗濕戰衣伐罪弔民責無旁貸茲特率我貔貅萬衆一心誓清逆賊所有高瓊雷廉等屬治安明堂當負完全責任各屬關稅釐金雜捐錢糧等項經奉大總統命令概歸本部徵收抵解凡我父老昆弟各宜安心樂業毋自驚擾切切此布

●東報評論中國時局

東京中外商業報云孫中山恢復粵局之計畫一時未能成功已去而至滬中國政黨此與彼仆本屬常事中山之暫挫殊不足異唯廣州政府爲中山一手之力所造成今

不待已而去之吾人不能不爲中山表同情中山原始規畫先團結西南各省然後討伐北方謀全國之統一不幸財政上及他方面有種種困難進行未能順利西南各省對於廣州政府未必敵視而最近中山之北伐乃因其部下統兵之陳炯明陰謀反抗致功敗於垂成今粵事已告一段落其影響於粵中政局者將如何乎

或謂中山既去粵事將全歸陳炯明之手吾人殊不信此說中山之走固爲情勢所迫然其在粵之勢力並未消滅此後苟有機會捲土重來乃意中事陳炯明如欲高枕而臥未免太早計也至於北京政府全無權力可言煌煌總統任命之唐內閣竟因吳佩孚之反對而將成爲流產如此軟弱政府縱有舊國會之擁護亦何能爲中山若於此時運用其民黨之勢力以上海爲策源地對北京政府爲有力之毀壞運動足使北京信用愈加失墮又有一事堪注意者即同時與吳佩孚及孫中山皆有友誼之孫洪伊現在上海中山與直系或可藉孫之媒介而成諒解此舉若成則中國時局將大變面目總之中山一身關係中國前途甚大吾人深望中國早成統一之局或者最近之未來將有一新發展乎

●日人對華仍持不干涉態度

大阪每日新聞載彼國外務當局談話云最近倫敦泰晤士等報所揭載之通信記事關於日本對華財政援助所採之態度加以非難夫日本之對華態度一如屢次之聲明採取不干涉主義斷不偏倚其一黨一派也若袒護其一部分之勢力或支持之與助長中國之內亂無異於中國固屬不幸而亦非日本之利益此日本所以尊重中國之主權希望其和平的向上發展者職是之故倘中國能達成其國富開發與健全之政治的發達而樹立以民意爲背景之統一政府則日本政府盡量援助亦所不惜日本政府及人民確信此幸福之時機不久依中國人民之努力可到來也然日本政府對於此時機到來以前以中止對華之財政的援助爲最適當蓋當中國政局不安定中央政府爲一黨一派所左右之際而與之以援助此不獨違背從來屢次所聲明列國一樣所遵守之內政不干涉主義且破壞由中國人民自身之努力進行之良好機運如碍統一政府之實現其結果愈使中國日趨於混亂狀態也故日本政府鑑於中國政局之現狀對於中國政府以爲尙未達與以財政的援助之時機日本政府此種態度實與成立於華盛頓會議之九國條約及其決議之趣旨毫無出入反之便違反此等國際條約之精神日本政府對於從來屢次所聲明之方針實無變更之意思也

●俄代表越飛君來華任務

俄國著名外交家越飛君新任爲蘇維埃共和國之駐京代表業於上星期抵京國聞社記者前往訪晤據其所告越飛君此次來華有二重任務一爲蘇維埃共和國之常川駐京代表一爲日俄會議中之蘇維埃共和國及遠東共和國兩國公推之總代表蘇維埃俄國駐京代表本爲配克君屬東城二條胡同現自越飛君抵京後配克君不日即將離華返俄遠東共和國與蘇維埃俄國本爲截然兩獨立國亦有特派代表駐京向者爲優林氏吾人盡知之最近爲樸柯丁君屬南長街越飛君之來華其有關於遠東共和國者僅爲出席於日俄會議之一事其常川駐京代表職務仍當屬樸柯丁君據越飛君所語此次來華宗旨依希望促進中俄兩國外交上商務上原來狀態之恢復中俄兩國邦交素睦國家性習彌相接近則外交關係之恢復當不甚難兩國地壤密邇國民需要相待甚殷通有易無勢所必至則商業關係之恢復又爲當然之事此外如外蒙問題之磋商亦爲其重要任務中之一至此次日俄會議與前次大連會問之性質大不相同亦並非承續而來前次大連會議僅關於日本與遠東共和國之議題此次則一方爲日本一方蘇維埃共和國爲勞農式之共和國遠東共和國爲民

主式之共和國兩者絕然不同惟精神則仍相通對外關係因有共同利害之點甚多故無形中不啻有同習之存在此次日俄會議即由兩國公推余（越飛君）爲出席總代表現此會議因地點問題爭執尙未決定一俟解決即當開議大約不外哈爾濱屆時彼當暫時離京赴哈爾濱云

●日本要求我國派兵接防

日本政府決定本年十月內開始撤退西伯利亞駐軍曾由駐京日使照會外交部要求我國於各地日軍撤退後在沿邊一帶增駐軍隊保護日本僑民茲覓得原文照錄如下爲照會事關於撤退西比利亞沿海洲及北滿地方日本軍隊事曾於六月二十七日第九九號照達並於七月十二日准第一六一號照復各在案茲奉本國政府訓令開朝鮮國境地方之馬賊及不逞韓人向爲日本駐軍所鎮壓不能活動將來日軍撤退該匪黨難免不乘機蠢動沿邊一帶勿論矣即鴨綠江方面恐亦將見其跳梁跋扈因之該處日僑之生命財產大受威脅日本國境之安寧亦有甚可憂慮者不難想像中國政府對於頭道溝案件依本國政府之要求在該處一帶雖已加派軍隊仍恐其於上述日軍撤退以前在國境地方亦實行增添軍隊維持治安對於本國臣民生

命財產十分盡其保護頭道溝變故不但本國國內多有主張出兵者即各該領事館及一般僑民均表示盼望本國即行出兵而本國政府始終尊重中國主權極力隱忍延至今日並未出兵僅出朝鮮方面派警員若干名往援而已此後務望中國政府有周到有效之警備措置不但不使頭道溝之事件發生即將來延吉國境方面之馬賊及不逞韓人凶日本軍撤退有跋扈之虞者亦預先加派軍隊盡力警備如因上述匪黨之故形勢緊急而中國方面警備又措置失當本國政府爲自衛計雖甚遺憾或難保不得已而出兵是以切盼中政府於西比利亞沿海洲及北滿地方日軍撤退後對於維持國境地方一帶之治安加以切實考慮爲預防日本不得不出兵之事件發生起見迅速在上開地方增派軍隊妥籌有效之措置等因相應照會貴總長查照即希詳加考慮再此事本使有報告政府之必要務希將辦理情形從速見復云云

●庚子賠款難望緩付

關於庚子賠款緩付二年問題顏內閣時代曾經與駐京各關係國公使交涉各國公使爲此事亦曾特開會議並分別電請本國政府之示惟英美兩國咸持觀望態度迄今未有正式表示這回三三三內閣政府對於日本政府已有商詢此之表示日本政府

對此已明白答覆仍照寺內內閣時代後藤外務大臣向外之聲明及原內閣時代原首相在衆議院之言明其方針並無變更查日本寺內內閣時代後藤外務大臣之聲明畧以「庚子賠款如至將來真能用於有利於中國國民時日本政府自當欣然拋棄全部應得賠款但其時機與方法日本方面不能不加以考慮」云云其後原內閣時代日本衆議院曾有「努力贊助中國文化事業之建議案」提出議會當時原首相在預算總會答復議員質問云（日本政府對於庚子賠款願爲中國之利益而拋棄之此與寺內內閣當時之意響並無何等變更但其方法則務期能加進中國國民一般之幸福者爲宜例如用於教育衛生饑饉救濟等於國民生活有關係之事實日本則甚願拋棄賠款至於時機則以所拋棄之金錢不至不用此等事業而反對於一部分人之時爲最妥當」云云今之所謂不變從前方針按卽拒絕緩付之託詞也又聞法國政府對於此事亦已大體上表示反對其理由謂如允其緩付時所得稅收必爲北京政府所取用同時並有流用於戰費之虞況法國已有移一部分賠款爲恢復中法實業銀行營業之用故無論如何不能承認中國要求云

●西報論孫文北上問題

大陸報云孫中山氏是否將應黎元洪及其他人物之邀請因而入京今日仍在未決之中昨聞此事有種種先決問題該問題等又非十日或兩禮拜內所可定局故北上自難預決關於現在行將赴京議員之接待問題之性質亦一先決問題民黨領袖日昨鄭重表示謂留滬之議員入京問題要知並非承認北京政府議會自身本有自擇開會地點之權限前者之所以未在北京開會係受軍人之障礙而今則障礙已除故重回北京云云據與中山接近者言孫之敦勸滬上議員入京實行職權即本諸此種態度議員受此勸告之後大多數當可北上至留滬議員約有百數云關於中山與各方之協議日昨未見新發展惟護法派中仍持樂觀並謂各事進行均甚順利聞中山今日最注意之事務在使洛吳奉張之間發生友誼的諒解并在孫氏之觀察中以為能弭除奉直兩派重開戰爭之危險斯為實行統一最重要先提之一至孫氏果將取何種手續以達此協和奉直之目的尚不得知之惟聞孫對於此事則抱有成功之希望云近今消息均謂陳友仁郭泰祺將充中山個人代表赴京并聞兩氏有不日赴京之說但究竟必去與否現尙未可斷定也

講壇

梁任公講演教育與政治

(續第四十一期)

(六)以上都是從養成習慣方面說還有養成判斷能力這一件事要爲最後的說明沒有好習慣則團體協力動作根本不能存在前頭大略都說過了然而不能說單有好習慣便毅因爲團體的行動既已由團體員意思決定決定的對不對實與團體的利害存亡有絕大關係例如有一個國民在此他們對於少數服從多數的習慣確已養得甚好但他們絕對無判斷能力忽然間因爲一件不相干的事有人主張和女國宣戰羣衆一聞而起他們並沒有計算自己有理無理沒有計算戰後的利害如何貿貿然把案多數或全體通過了立刻便實行你說他違反德謨克拉西原則嗎不然然而結果會鬧到亡國歷史上這類事情很不少中國爲尤甚在專制時代遇着昏瞶糊塗的君主或家長因爲他一個人缺乏判斷能力可以鬧到國亡家破在德謨克西時代遇着昏瞶糊塗的國民因爲多數人缺乏判斷能力也會得同一的結果所以如

何纔能養成判斷能力又是團體生活教育上一個重要問題團體生活事項是極複雜的且多半是臨時發生的其中如政治事項尤爲什有尤屬於專門智識要想在學校裏教人逐件逐件都會判斷天下萬無是理教育的天職只要養成遇事考慮的習慣而且教人懂得考慮的方法自然每事一臨頭自己會拿出自己的主張或者自己本無成見聽了兩造辯駁的話便能了解他判斷他卽如美國歷來的政治問題從前之用金用銀近年之國際聯盟非國際聯盟等等不是專門經濟學者國際學者如何能有判斷兩造是非得失的能力然而他們確是經過國民全國的判斷爲什麼臨時能判斷呢都是平時受教育得來這種教育有兩要點第一是養成遇事考慮的習慣必要有事可遇然後得有考慮的機會方纔講牛津劍橋的教法專叫學生從實務上與人接觸就是令他們常常有事可遇事的性質雖然有許多分別明白事理的途徑並無分別只要經事經得多便連那沒有經過的事也會做了所以除講堂教授之外還要有種種實生活教育便是養成判斷能力的絕好法門然則講堂教授絕對無益嗎又不然我所說第二要點教人懂得考慮的方法卻可以有大半從講堂教授得來天下惟不肯研究的人纔會盲從凡事只要經過一番研究多少總有點自己意見發

現這點意見就名之曰判斷學理上的判斷如此事理上的判斷也是如此教授一科學問並不是教學生把教師所講牢牢記得便了注重的在教他們一得研究這門學問的方法然後多發問題令他們自己去研究越研究得多判斷力自然越豐富越研究得精判斷力自然越深刻譬如研究自然科學研究哲學研究考古學總算和政治風馬牛不相及了罷但那人若果有研究的真精神到一個政治問題臨到他頭上時他自然會應用這精神去判斷而且判斷得不甚錯謬歐美受過相當教育的人都能對於實際問題有獨立判斷能力就是爲此倘若守着舊式的注入教育這種效果便永遠不能發生了

(七)我今日講這個題目意思因爲我感覺近來教育界對於智識開發方面雖已漸革新進步對於性格訓練方面還未甚注意就性格訓練方面論又是注重個性多注重羣性少而且都是理論未嘗定出一種具體方法大家實行我希望本社同人對於團體生活教育即政治教育特別注意商量一個訓練方針急起直追去實行我不勝大願

(完)





談叢

● 標棚零語

婁縣姚春木先生詩多精卓句如偶入古寺題壁云秦山萬拱疊崔嵬漢水千年去不迴敗壁陰森人物古破帷蕭颯鬼神來生耽吟咏多秋氣客愛江山定異才此地昔賢乘輿數可無薄酒酌餘杯第二聯描寫古寺入神句亦雄渾又如松江追次介甫韻云萬片寒雲墮碧空三江震澤古源通蛟龍夜舞湖心月草木晨低海上風一棹尊鱸歸洛下扁舟人物渺吳中煙波滿眼何歸宿却笑前途尙未窮渾厚似杜斷句如客中倦眼憐芳草江上愁心易夕陽雨勢直摧三峽動風聲橫捲大江來萬事無成閒處老一年將盡夢中歸雄厚雅健可傳也

● 讀書隨筆

顧文仲

老子曰萬物並作吾以觀其復復命曰常知常曰明夫物之復命與人之復命同則人

之芸芸與物之芸芸亦同耳富貴何爲者名利何爲者知此則爭奪志自退而道義心自生世人之妄爲類皆未看破也以我爲人而不知以我爲物以命爲長生而不知以命爲當死

莊子論養生以無思爲重蓋傷生不一思慮爲甚既思得又思失既思前又思後乍不思忽又思欲不思反更思其才愈高其思愈遠其志愈大其思愈多心無或寧生安得久其生既盡其思亦息安得范無所思思無所碍渾渾焉若石之在山飄飄焉若水之隨江太上心平其次目空其下力作心平則無用思目空則不屑思力作則不暇思



雜俎

彭剛直軼事

彭剛直善畫梅花其帶長江水師時人多往求畫梅一概允之然隨意應酬亦無不爲珍重也其後梅畫愈多聲價益重有某哨官往往假剛直名號私畫梅花多幅向人求售人不疑其非真筆亦嘗以重價相購一日剛直至某處見懸掛已畫梅花甚多細閱之皆非己之真筆力詰主人促言假託之人主人不敢隱遂具以購畫來源相告剛直大怒回營卽傳假託之某弁重詰隨卽將某弁及同謀二人分別割殺一時傳者莫不嗤其視梅花重於人命

彭巡閱長江時喜微行嘗衣弋絛袍持叩竹杖效村老裝束往來茶寮烟肆閒爲人作魯仲連排難解紛一日至某烟肆見一短衣人縛一儒者撻之若撻羊豕旁觀者皆悻悻有不平狀而無敢饒舌者公審視短衣者爲某弁部曲卽前緩頰短衣人愈怒反唇

罵曰若村老無預乃公事不亟走乃公且撻汝彭晒而歸返營召某弁告以所見即以軍符捕短衣人至此時公之村老服固未易也笑詢曰汝識我否短衣人大駭不知所對竟伏法

彭喜聽子弟讀書每至一處必入人家塾內或代其師講解孜孜不倦有穎異者摩娑其頂愛惜逾恒諸童中有黠者以扇求其書畫無不忻然應允對客輝毫若他富貴人具嫌乞彭書畫竟有數十年尙束諸高閣者一日彭乘官舫溯流而上時江南提督爲李朝斌李以賈人起跡貪而狡彭甚鄙夷其爲人李知彭過境乘砲船追送之至鎮江彭舟停泊李求見彭僂僂出作龍鍾狀李跪拜彭舉手而已及李去彭匆匆上岸而步履如飛差弁皆追隨恐後云


●徐把總

光山徐熊塊然一身入伍吃小糧常不飽居於城郭性情落拓千夫長常管督之徐頗自傷而生計日促有賣菜傭吳廿四日日黎明出城趁市與之交好往返必視之徐亦親如兄弟非延之入室卽相遇於闔一日吳出城徐未起及返門仍閉呼之不應壞門入視徐已懸梁縊矣吳駭狂叫以手抱其腰以膝抵其臀鄰人奔救或舒揉其臂或

撫摩其胸復以蘆管吹耳始有微息呻吟呼痛乃解其索抱置之床灌以茶湯始甦見吳曰我惟求死兄必欲生之我何以存活吳再三慰藉乞米於鄰爲之熬粥日夜伴之鄰居亦憫其窮稍稍炊助徐自言初縊時目中爲萬道電光不能開視頭上霹靂摩頂腦痛不可忍既而火光熄雷聲遠遂不知人事矣有人爲之言於千夫長遂寬假之逾年拔外委升把總氣體充腴出入騎從始立室家招吳廿四同居共爨吳亦弛擔爲之經理吳語人曰徐四應得官何至自經溝瀆渠有官星我爲救星百夫長我與有榮焉惟縊時痛楚殊難領畧耳

雜

俎



四



遊記

●遊臥龍橋

胡瑞亭

南岡卞氏享堂前行不數武有矗立臥波者爲臥龍橋相傳明太祖曾小憩於斯橋之上是以名之實則謠謬不經之談卽太祖果於斯橋作小留試問何人見之抑果載諸事畧否可笑孰甚實則斯橋高大無比遙立遠視儼然若臥龍焉世之言太祖者無稽之論余述斯橋之盛況者紀其實也該橋達兩岸二十餘丈高十數仞上立而下俯之波濤砰湃奔騰萬狀心駭然而無主仰而遠眺數十里之村落悉在目中橋之南北有二河由輿東邑之往返者爲必經之處可怪者此橋當衝渠之道雖大風浪竟不被其毫髮盪搖且聞其於清道間曾亦葺之迄今已幾歷寒暑而未更一木想其建始無費智力矣傳其興此者爲該區闕某某係精巧土木技師也其驚人之術非他人之尋引規矩繩墨者可比傳斯時凡有飾官署建寺觀者雖不遠千里莫不耳其名聘之者戶

限爲穿若柳州之梓人流亞然而此橋規模及工程之特點概可想見尤奇者而此橋當於巨大之河面祇用橋柱兩根撐持於力點望之者頗危險而實則異常牢固蓋其下所用者係石工且兩柱均大可合抱否則不能作中流之砥也吾於某技師頗深欣羨焉





瑣聞

●法廳又改訂辦公時間

吉林高等審檢廳陳何兩廳長前爲暑季休息起見曾將辦公時間改爲早八時至十二時由七月一日起至八月三十一日止業經通令所屬各廳遵行在案茲者截止期限已屆該兩廳又復將辦公時間改定每日仍由早九時半起至下午五時止即自本日起實行云

●法校訂期遷移

吉林法政專門學校自遷至江南後教學兩方均感不便前經該校姚校長於王代教長任內將種種困難情形詳細具陳蒙批將圖書館全院劃爲該校校舍指令甫經發下適女子中學亦以校舍不敷應用要求遷徙該處于代廳長以命令已出萬難收回且斟酌情形自以法政遷徙該處最爲相宜除批復外聞復令行法政學校於展覽會

後即行遷移云

成績展覽會著手陳列

吉林第三次成績品展覽會迭次延期現始確定於九月四日舉行聞該會陳列部主任以省城各校及各縣學校成績品業已送到自應先期陳列以免臨時忙迫昨特通知各陳列幹事於每日早九時齊赴該會所陳列云

●選舉教育會長之波折

吉林省教育會長於上月二十七日改選一節已誌本報迨至開票結果正會長爲韓瑞汾副會長爲徐鴻澤孫翰生茲聞省立及區立各校有反對行動向省署請示另選外昨復致電各縣勸學所教育會徵集意見以謀根本打消其究竟如何容俟續誌

●馬總辦徵集整頓意見

新任永衡官銀號總辦馬德恩鑒於吉省錢法之壞咸以官銀號爲厲階爲整頓起見必須先從號內入手昨特向本城各商號發送通知徵求關於整頓號務意見以備採擇實行云

中華民國十一年九月一日出版

第四十二期

價目表

期數	每期一冊	一月三冊	半年十八冊	全年三十六冊
定價	大洋一角	大洋三角	大洋二元八角	大洋三元六角

無論省內省外定閱本報一律不取郵資惟報費須先惠交以便發報報資用郵票者八折空函定報恕不作

廣告價目表

期數	頁數		全	頁	半	頁	半	頁	之	半
	每旬日一期	四								
每月三期	八	元	四	元	二	元				
三個月九期	二十	元	十	元	五	元				
半年十八期	二十四	元	十六	元	八	元				
全年三十六期	四十八	元	二十四	元	十二	元				

右表列廣告費按大洋核收

主 任 關 潤 章
 編 輯 關 鍾 巖
 發 行 祖 繩 武
 發行所 吉林巴爾虎門觀音堂內院
 印刷所 吉林商務同行印刷局

